



O vindeiro venres 5 de setembro terá lugar a presentación da novela debuxada *A causa do crime* (Demo Editorial, 2014), nova obra de Alfredo López “Tokio”, a poucos días de saída do prelo.

Tras falar da obra e a súa historia, terá lugar unha sesión de sinaturas do autor ao final do encontro. O acto será presentado polo tamén debuxante, Evaristo Pereira, e dará comezo ás 20:30 horas na Aula de Cultura Ponte de Rosas, na Avenida da Feira, nº 10, baixo, Gondomar.

Tokio, autor de banda deseñada e biólogo mariño, asina unha obra de ficción de importante carga política, que publicou inicialmente por entregas en 1987, no xornal A Peneira. Recuperada agora con nova aparencia gráfica e argumento ampliado, supón unha ollada xenuína ás inxedanzas de boa parte da sociedade galega dos oitenta. A historia, protagonizada por unha muller, inclúe temas como os movementos sindicais, o terrorismo e a corrupción política dos anos oitenta, coa banda sonora da Movida viguesa de pano de fondo.

Presentación da novela gráfica “A causa do crime” coa presenza de Alfredo López, “Tokio”.

Escrito por Redaccion @valminorinfo
Xoves, 04 Setembro 2014 20:38

O álbum contén un enlace a Spotify e referencias dos temas musicais que inspiraron o autor para a realización do álbum.